



Aqqaluaq B. Egede  
Inatsisartut

### §37 Kina ilumoorpa?

Inatsisartut suleriaasianni §37 naapertorlugu Inatsisartunut ilaasortaq Aqqaluaq B. Egedep, Inuit Ataqatigiit, Naalakkersuisunut imaattunik apeqquteqarpoq.

Akissutit apeqqutit ataatungaanni atuarneqarsinnaapput:

21-01-2014  
Sags nr. 2014-094948  
Dok. nr. 1459944

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

1. Naalakkersuisut Siulittaasuata Aalisarnermut Nunalerinermullu Naalakkersuisup tunuarneranut atatillugu tusagassiortunik katersortitsinermi oqaatigaa, politikkikkut siunnersortimik atorfinitsitsiniarneq ilisimasimanagu. Massakkullu Aalisarnermut Nunalerinermullu Naalakkersuisup tusagassiorfinnut nalunaarummuni oqaatigaa Aleqa Hammond ilisimatissimallugu inooqatigisaata atorfinitsinnissaa pillugu. Taamaaliorsimangikkunilu sianiilliornerusimassagalugartoq. Tamanna Naalakkersuisut Siulittaasuata ilumoornerarsinnaavaa?

**Akissut:**

Tusagassiortunik katersuutsitsinermi ilisimatitsissutigaara, Naalakkersuisut tunuartup, Karl Lyberthip, Tom Ostermannimik immikkut siunnersortit atorfinitsitsiniarluni aalajangersimanini pillugu ilisimatikkaanga, kiisalu aalajangerneq Karl Lyberthip kisimiilluni aalajangernerigaa. Tamanna aalajangiusimavara.

2. Aalisarnermut Naalakkersuisuusimasoq imaluunniit Naalakkersuisut Siulittaasuata akornanni kina eqqortumik oqaaseqarpa?

**Akissut:**

Qulaani apeqqummut 1-imut akissummut innersuussivunga.

3. Naalakkersuisut Siulittaasuata inuiaqatigiit naalakkersuinikkut ingerlatsinermut tatiginniinnarissaat anguniarlugu qanoq sunillu suliniuteqarniarpa?

**Akissut:**

Apeqqut apeqqutinut 1-imut 2-mullu, qulaani akeriikkannut attuumassuteqarpassippoq.

4. Naalackersuisut Siulittaasuata inuiaqatigiinnut eqqunngitsumik nalunaaruteqarnini utoqqatsernermik malitseqartinniarpa? Imaluunniit naqqiissummik nalunaaruteqarniarpa?

**Akissut:**

Eqqunngitsunik paasissutissisimanagerneqarnera eqqunngilaq.

5. Aalisarnermik Naalackersuisup tunuarnermini tunngaviusutut oqaatigisai, Naalackersuisut Siulittaasuatalu oqarneratut imaappa Aalisarnermut Naalackersuisuusimasup suut tamaasa pisuussutigalugit tunuartoq?

**Akissut:**

Naalackersuisutut tunuartup, Karl Lybertip, iliuitsit tamaasa nammineerluni akisussaaffimmit tiguai taakkualu kingunerisai tigullugit.

6. Naalackersuisut Siutittaasuata atorfinitsinermit tunngatillugu ilisimasaqanngiivissimasutut oqarnera ilumoorpa?

**Akissut:**

Apeqqutip 1-ip akissutaanut innersuussivunga.

Inussiarnersumik inuulluaqqusillunga



Aleqa Hammond  
Naalackersuisunut Siulittaasoq